

– Ինչպե՞ս եղաւ, որ դու եկար այստեղ եւ հանդիպեցար նրան:

Մարօն ասաց, ինքը անհամբերութեամբ սպասում էր, թէ ինչ լուր կը բերեմ ես Յասօից եւ այս ճանապարհով եկաւ իմ առաջ լսելու եղբօր խօսքը: Գիւլին նստած էր աղբիւրի մօտ հանգստանալու համար, հէնց որ տեսաւ իրան, դանակը հանեց եւ յարձակոեցաւ:

– Բայց ինչո՞ւ է նա քեզ հետ թշնամացել, – հարցրի ես:

– Դա հին բան է, – պատասխանեց Մարօն, – մի տարի Գիւլլիի հօր ցեղը եկաւ մեր գիւղում ձմեռելու, Գիւլին մեր տան մօտն էր կենում: Ամէն օր մենք տեսնում էինք, որ մեր հաւերից մէկը պակասում էր, ո՞վ էր տանում, չէինք իմանում: Հայրս ասաց, կարելի է աղոթես եւ գողանում: Ես մի օր նստեցի մարագի դռանը, հսկում էի, որ աղոթե՞ր գայ եւ նրան բռնեմ, հաւերի վրեժն առնեմ: Տեսնում եմ Գիւլին դեւի պէս յայտնոեցաւ: Նա կուզէկուզ մօտեցաւ, մարագի դուռը բաց արաւ: Ես թաքնած էի, նա ինձ չտեսաւ: Ձայն չհանեցի, միկնէ մտաւ մարագը: Հաւերից երկուսը բռնեց, հէնց որ դուրս էր գալիս, բռնեցի ծամերիցը, զցեցի գետին, խեղդում էի, բայց այդ միջոցին Մըհեն վրայ հասաւ, չթողեց: Հիմա այն օրից ինձ հետ թշնամութիւն ունի:

– Դու այսօր էլ նրան կը խեղդէիր, եթէ ես վրայ չհասնէի: Բայց Գիւլիի պատմութիւնը մի անգամ էլ քեզանից լսած եմ:

– Բայց դու ոչ ոքին չասես այսօրոայ անցքը, Ֆարիատ:

– Իսկ քո ձեռքի վերքը՞:

– Ես կ'ասեմ ինքս վիրաւորեցի, երբ դանակով սոխ էի կտտորում:

– Լաւ:

– Դէ՛, զնանք:

## ԼԱ. ՈՒՆՏԱԻՈՐՆԵՐ

Մարօի ձեռքի վերքն այնքան թերթել չէր, որքան նա կամենում էր ցոյց տալ. դանակը կտրել էր բթամատի պտղուցը կէս եղունգի հետ: Բայց նա դրա վրայ ուշադրութիւն չէր դարձնում եւ ողջ օրը զբաղուած էր ուխտագնացութեան պատրաստութիւններով: Ես տեսնում էի, թէ որպէս նա մի ձեռքով հունցում էր խմորը նագուքներ եւ իւղով հացեր թխելու համար, որպէս եռանդով պատրաստում էր մեղրալի հալրաները:

Պառաւ խաթունը նոյնպէս ոչ սակաւ զբաղմանց մեջ էր. նա ինքը վազեց խունկ եւ մոմ զնելու գիւղի մանրավաճառից իր սեփական արծաթով, որ ետ էր զցել այսպիսի հոգեշահ բաների համար: Նա աշխատում էր վերջաց-